

Sarajevo, 27. septembar 2018. godine

Dr. Aziz Šunje, redovni profesor Ekonomskog fakulteta u Sarajevu, predsjednik Komisije

Dr. Zijada Rahimić, redovni profesor Ekonomskog fakulteta u Sarajevu, član Komisije

Dr. Senad Softić, vanredni profesor Ekonomskog fakulteta u Sarajevu, član Komisije

## **VIJEĆU EKONOMSKOG FAKULTETA U SARAJEVU**

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17), člana 152. Statuta Univerziteta u Sarajevu, Odluke Senata Univerziteta u Sarajevu broj 01-983/18 od 18. 07. 2018. godine, Odluke Vijeća Ekonomskog fakulteta u Sarajevu od 21. i 21. septembra 2018. godine i Rješenja br. 02-4918/2018 od 24. 09. 2018. godine imenovani smo u Komisiju za pripremu prijedloga i Izvještaja o izboru 1 saradnika u zvanje asistent, puno radno vrijeme na oblast „MENADŽMENT I ORGANIZACIJA“.

Na konkurs, koji je objavljen u dnevnom listu „Dnevni avaz“, web-stranici Univerziteta u Sarajevu i web-stranici Ekonomskog fakulteta, dana 03. septembra 2018. godine, prijavila su se tri kandidata:

- Amra Mujabašić, MA
- mr. Alisa Mujkić
- Berina Šahinović, MA

Komisija je pored prijave i priloga uz prijave kandidata, primljenih uz dopis Službe za pravne i personalne poslove broj: 07-6-4926/18 od 24. 09. 2018. godine, dobila i Potvrdu broj 07-6-4898/18 od 21. 09. 2018. godine kojom stručna Služba za pravne i personalne poslove potvrđuje blagovremenost, urednost i usklađenost pristiglih prijava sa uvjetima utvrđenim Konkursom. Prema navedenoj Potvrdi blagovremene su, ali nisu uredne niti usklađene sa uvjetima utvrđenim Konkursom od 03. 09. 2018. godine prijave sljedećih kandidata:

- Amra Mujabašić, MA
- Berina Šahinović, MA

Nakon detaljnog pregleda prijave i priložene dokumentacije kandidatkinje Alise Mujkić, čija prijava je blagovremena, uredna i usklađena sa uvjetima utvrđenim Konkursom od 12. 05. 2018. godine Komisija podnosi Vijeću Ekonomskog fakulteta u Sarajevu sljedeći

## **I Z V J E Š T A J**

### **1. Biografski podaci:**

Alisa Mujkić je rođena 04. juna 1979. godine u Travniku. Govori engleski i služi se njemačkim jezikom.

Na evidenciji Biroa za zapošljavanje Novo Sarajevo kao nezaposlena osoba prijavljena je od 28. maja 2018. godine.

## 2. Tok školovanja

Kandidatkinja Alisa Mujkić je na Ekonomskom fakultetu u Sarajevu, na zajedničkom Master programu sa Adizes Academy of Management „MA+1“ – Menadžment i organizacija završila drugi ciklus studija 2013. godine, sa prosječnom ocjenom 9,20 i stekla zvanje magistar menadžmenta. Na Ekonomskom fakultetu u Sarajevu je 2011. godine, na smjeru Međunarodna ekonomija stekla zvanje diplomirani ekonomist (240 ECTS), ostvarivši prosječnu ocjenu 7,78. Prije toga je završila Višu poslovnu školu, 2006. godine i stekla stručni naziv (zvanje) Ekonomist. Pri tome je ostvarila prosjek 8,56 i Pohvalu za odličan uspjeh VI-1 stepen, od strane Dekana Ekonomskog fakulteta u Sarajevu. Ukupna postignuta prosječna ocjena za I i II ciklus studija je 8,51.

Od 2012. godine je na doktorskom studiju na Ekonomskom fakultetu u Sarajevu, koji se izvodi u saradnji sa Univerzitetom u Ljubljani i u Beču.

## 3. Nastavno pedagoški rad

Na American University in B&H (American School of Economics) bila je angažovana kao predavač na predmetima Management, Marketing and Research Methods u periodu 2016-2018. godina. U zvanje predavača Visoke škole („Američka škola za ekonomiju“) za užu nastavnu oblast Ekonomija i poslovanje izabrana je 28. 10. 2016. godine, na period od pet godina.

Kao demonstrator i na administrativno-tehničkim poslovima bila je angažovana na predmetima Strategic Management, Menadžment ljudskih resursa, Strateški menadžment, Leadership i Projekat na Ekonomskom fakultetu u Sarajevu (2012-2014).

## 4. Objavljeni radovi i projekti

Kandidatkinja Alisa Mujkić navodi u CV da je objavila devet radova (pet radova priloženo u dokumentaciji), te četiri rada koja su u pripremi ili u procesu recenzije. Bila je uključena u više istraživačkih projekta.

## 5. Ostalo

### 5.1. Nagrade

Pohvala za odličan uspjeh VI-1 stepen, od strane Dekana Ekonomskog fakulteta u Sarajevu.

### 5.2. Dodatne vještine/sposobnosti

Kandidatkinja Alisa Mujkić navodi da poznaje SPSS, Lisrel, AMOS (početni nivo), MS Office, Mac OX, Internet (aktivan korisnik).

### 5.3. Dodatna edukacija

- Stalni sudski vještak ekonomske struke, Federalno Ministarstvo Pravde FBiH, 2015 (priložen certifikat)
- Cetifikat Adizes Academy for Management and Organization, osposobljena za analizu životnih ciklusa organizacija i proizvoda i njihovo restrukturiranje, te ostale konsultantske poslove, 2013 (priložen certifikat)
- Sensory Labyrinth Theatre, Gura Portitei, Romania, 2013
- Certifikat London School of Public Relations, Sarajevo 2007 (priložen certifikat)
- Seminar Upravljanje odnosima s javnošću, Travnik 2005

- Certifikat Socijalna odgovornost kompanija, World Bank Institute, Ekonomski fakultet u Sarajevu, 2004

## MIŠLJENJE I PRIJEDLOG

Komisija je jednoglasno zauzela stav da predloži Vijeću Ekonomskog fakulteta u Sarajevu da se na raspisani konkurs ne izvrši izbor kandidata.

### Obrazloženje

Kandidatkinja Mr. Alisa Mujkić zadovoljava formalne uslove Konkursa, međutim sagledano u svjetlu trenutne kadrovske popunjenosti i katedarske politike ljudskih resursa kandidatkinja Mr Alisa Mujkić ne udovoljava naše potrebe. Anticipirajući potrebe naše Katedre u bliskoj budućnosti mi kao Katedra imat ćemo potrebu za asistentom, mladim saradnikom koji još nije upisao doktorski studij, te koji bi ga pohađao i okončao tokom angažmana u statusu asistenta. Mr. Alisa Mujkić je pred samim činom odbrane doktorske disertacije (odbrana doktorske disertacije zakazana je za 09. oktobar o.g.) i za nekoliko dana će stvoriti sve pretpostavke da se bira u nastavničko zvanje (docent).

Da pojasnimo datu odluku kroz kadrovsku strukturu Katedre i katedarski plan ljudskih resursa. Ukupan broj nastavnog osoblja na Katedri je 11 članova, od toga tri redovna profesora, s tim da samo jedan od profesora u dogledno vrijeme, za četiri godine, stiže uslove za odlazak u penziju, jedan vanredni profesor, četiri docenta, te tri asistenta. Dva asistenta su ispunila sve obaveze na doktorskom studiju te su prijavili svoje doktorske disertacije, dok je najmlađi član naše Katedre u fazi okončanja dokorskog studija. Anticipativno sagledano za period ne duži od dvije godine Katedra će imati samo jednog asistenta koji će, realno je očekivati, biti pred okončanjem svog dokorskog studija. U tom kontekstu u bliskoj budućnosti biće iskazana naša potreba za asistentom, mladim saradnikom, koji nije upisao doktorski studij i koji će u vrijeme dokorskog studija biti usmjeren na klasične asistentske poslove.

Istovremeno sagledavajući raspoloživi fond sati na predmetima unutar Katedre samjereno sa trenutnim brojem nastavnika i saradnika mi kao Katedra u ovoj školskoj godini nemamo ni potrebe za angažmanom novih saradnika. Nastavničko opterećenje naših članova Katedre je u ovoj školskoj godini optimizirano.

Članovi Komisije:

Prof. dr. Aziz Šunje \_\_\_\_\_

Prof. dr. Zijada Rahimić \_\_\_\_\_

Prof. dr. Senad Softić \_\_\_\_\_